



СОНГИНОХАЙРХАН ДҮҮРГИЙН  
ИРГЭДИЙН ТӨЛӨӨЛӨГЧДИЙН ХУРЛЫН  
ТЭРГҮҮЛЭГЧДИЙН ТОГТООЛ

2019 оны 10 сарын 08 өдөр

Дугаар 036

Улаанбаатар хот

“Хамтдаа шийдье” уулзалтын  
мөрөөр авах арга хэмжээний тухай

“Хамтдаа шийдье” уулзалтад нийт 32 хорооны 3321 иргэн оролцож давхардсан тоогоор 576 санал хүсэлт гаргаснаас дэд бүтэц, тохижилт, нийтийн аж ахуйн чиглэлээр хамгийн их 38,2 хувь буюу 220 иргэн, газар зохион байгуулалтын чиглэлээр 13 хувь буюу 75 иргэн, хөдөлмөр, нийгмийн халамжийн үйлчилгээний талаар 9,4 хувь буюу 54 иргэн, орон нутгийн хөгжлийн сан, хөрөнгө оруулалтын чиглэлээр 8,1 хувь буюу 47 иргэн, цахилгаан, эрчим хүчний асуудлаар 7,1 хувь буюу 41 иргэн, хууль эрх зүйн чиглэлээр 5,4 хувь буюу 31 иргэн, боловсролын талаар 5,4 хувь буюу 31 иргэн, эрүүл мэндийн үйлчилгээний чиглэлээр 5 хувь буюу 29 иргэн, худалдаа үйчилгээний талаар 3,5 хувь буюу 20 иргэн, нийгмийн даатгалын чиглэлээр 2,9 хувь буюу 17 иргэн, улсын бүртгэлийн чиглэлээр 2 хувь буюу 11 иргэн тус тус асуулт асууж санал хэлснийг дүүргийн иргэдийн Төлөөлөгчдийн Хурлын Тэргүүлэгчдийн 2019 оны 10 дугаар сарын 7-ны өдрийн хуралдаанаас тэмдэглээд:

Монгол улсын Засаг захиргаа, нутаг дэвсгэрийн нэгж, түүний удирдлагын тухай хуулийн 22 дугаар зүйлийн 22.1.13, 25 дугаар зүйлийн 25.1, 29 дүгээр зүйлийн 29.1.6 дах заалтын “г”, “л” хэсгийг тус тус үндэслэн Сонгинохайрхан дүүргийн иргэдийн Төлөөлөгчдийн Хурлын Тэргүүлэгчдээс ТОГТООХ нь:

1. Иргэдээс гарсан саналыг яаралтай шийдвэрлэж хариуг тухайн иргэнд бичгээр хүргүүлэх
2. “Хамтдаа шийдье” уулзалтад хангалтгүй оролцсон зарим хэлтэс албадын удирдлагад хариуцлага тооцох
3. Дээд шатны байгууллагуудад хамааралтай санал хүсэлтийг уламжилж шийдвэрлүүлэх талаар холбогдох арга хэмжээ авсан тухай хариуг хороодод бичгээр хүргэх
4. Дүүргийн Засаг даргын эрхлэх хүрээний харьяа байгууллагуудад санал хүсэлтийг түргэн шуурхай шийдвэрлүүлэх чиглэл өгч үр дүнг тооцож ажиллах

5. "Хамтдаа шийдье" уулзалтаар гарсан саналыг шийдвэрлэх талаар зохион байгуулж буй ажил, энэхүү тогтоолын хэрэгжилтийн явцын талаар иргэдийн Төлөөлөгчдийн Хурлын Тэргүүлэгчдийн хуралд 10 дугаар сарын 28-ны өдөр тайлагнахыг дүүргийн Засаг дарга Ж.Сандагсүрэнд тус тус үүрэг болгосугай.
6. Энэхүү тогтоолын хэрэгжилтэд хяналт тавьж ажиллахыг дүүргийн иргэдийн Төлөөлөгчдийн Хурлын нарийн бичгийн дарга бөгөөд Ажлын албаны дарга /Н.Мөнхбаатар/-д даалгасугай.

